

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1128205 24 St
Sarajevo, 20.10.2025. godine

Općinski sud u Sarajevu, stečajni sudija Sellma Ćemalović, rješavajući po prijedlogu za otvaranje stečajnog postupka nad imovinom pravnog lica, "DIDO" d.o.o. za trgovinu i usluge Sarajevo, ulica Fra Anđela Zvizdovića br. 1, Sarajevo, donio je dana 20.10.2025. godine sljedeće:

RJEŠENJE

1. Pokreće se prethodni postupak radi utvrđivanja uslova za otvaranje stečajnog postupka nad imovinom pravnog lica dužnika "DIDO" d.o.o. za trgovinu i usluge Sarajevo, ulica Fra Anđela Zvizdovića br. 1, Sarajevo.
2. Za privremenog stečajnog upravnika imenuje se Siniša Lužaić, Sarajevo.
3. Privremeni stečajni upravnik će izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika, utvrditi da li postoje razlozi i uslovi za otvaranje stečajnog postupka, utvrditi da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti dužnika te ispitati da li imovina stečajnog dužnika može pokriti troškove stečajnog postupka.
4. Dužnik je obavezan da dozvoli privremenom stečajnom upravniku da pregleda poslovne knjige i poslovnu dokumentaciju dužnika.
5. Privremeni stečajni upravnik je dužan podnijeti izvještaj u roku od 30 dana od dana imenovanja u kojem će izvjestiti o poduzetim radnjama i iznijeti svoje stručno mišljenje o zatečenom stanju.
6. Mjere pojedinačnog prinudnog izvršenja pokrenute protiv stečajnog dužnika privremeno se obustavljaju. Izlučna i razlučna prava povjerioci ne mogu ostvarivati u prethodnom postupku.
7. Pozivaju se povjerioci da predlože mjere osiguranja nad predmetima i imovinom stečajnog dužnika.
8. Ovo rješenje će biti objavljeno na oglasnoj i elektronskoj tabli ovog suda, u „Službenim novinama Federacije BiH“ i na internet stranici Finansijsko-informatičke agencije.
9. Rješenje se ima dostaviti Registru Općinskog suda Sarajevo radi upisa zabilježbe prethodnog postupka u matičnom registarskom broju subjekta upisa broj MBS broj 65-01-0112-16.

O b r a z l o ž e n j e

Dana 12.11.2024. godine, ovome sudu od strane GPI D.O.O. KONJIC podniet je prijedlog za pokretanje stečajnog postupka nad imovinom društva "DIDO" d.o.o. za trgovinu i usluge Sarajevo, ulica Fra Andela Zvizdovića br. 1, Sarajevo.

Na ročištu održanom dana 08.09.2025. godine, punomoćnik predlagatelja je izjavio da su podnosilac prijedloga i protivnik predlagača bili u poslovnom odnosu po osnovu Ugovora o izvođenju radova, te da su nekoliko godina računi blokirani i da je isti platežno nesposoban, a da dugovanje prema predlagaču po osnovu pravomoćne presude zbog propuštanja od 14.10.2020. godine, kojim je predlagatelju dosuđen iznos od 1.314.217,39 KM, uvećan za zakonsku zateznu kamatu.

Našavši da se u konkretnom slučaju radi o dopuštenom prijedlogu, a radi utvrđenja da li postoji stečajni razlog i da li postoje svi uslovi za otvaranje stečajnog postupka, te imajući u vidu činjenicu da je dužnik uplatio predujam za pokriće troškova prethodnog postupka, sud je donio odluku kao u izreci, primjenom članova 61, 62, 63, 65 i 66 Zakona o stečaju FBiH.

STEČAJNI SUDIJA
Sellma Ćemalović

POUKA: Protiv ovog rješenja žalba nije dopuštena.